

僱最想去寮个位所

每一个人都有好去个地方，僱係客家人，僱就當好去客家庄。阿姆摻阿爸平時有閒个時節，都會摻僱兜去客家庄搞，客家庄當多，僱也去過盡多客家庄，毋過，有一个位所，係僱盡想去寮毋過言識去過个地方，就係高雄个美濃鎮！

美濃在高雄縣，美濃有盡多好搞个地方，有：美濃客家文物館、美濃民俗村、黃蝶翠谷、板條街、中正湖，還有當有特色个油紙傘、陶窯、菸葉，毋單淨風景摻特產，分僱盡有興趣个係美濃人文个地方！

美濃有一個第三級古蹟「敬字亭」，「敬字亭」也安到「惜字亭」，清朝乾隆有一位梁啟旺先生看毋過庄肚个路脣、房舍、屋角、便所都係字紙摻動物个屎，發動村民捐錢正來建好个，希望子孫做得尊重祖宗創造个文字摻紙。有仔敬字亭以後，美濃个子孫變到當愛讀書，考試也考當好，有三个人考到進士，這下讀到博士碩士个人有三百零儕，斷真當厲害，分僱想著客家諺語講：「細人毋讀書，不如畜條豬」、「讀書肯用功，茅寮出相公」。

「東門樓」係美濃个地標，清朝乾隆个時節，庄民為著愛防止動物摻外人个攻擊搶食來興建个，到地清朝道光个時節，有一位黃雲考到進士，在東門樓題「大啟文明」四隻字，這就係美濃客家人重視子孫教

育个見證。這下个東門樓係大家平時生活个地方，旁邊个伯公廟係大家時常會去拜个位所，大榕樹係大家行棋、走相逐个地方。

「鍾理和紀念館」係紀念「台灣現代文學之父」鍾理和，鍾理和先生細个時節無讀麼个書，毋過佢從細愛好文學，故所當會創作。雖然佢个感情無得到祝福，一生人坎坎坷坷，最後身體當毋好，翻血來死，也就係這種个經歷，正做得寫出當有感情个文章，乜做得感受著鍾理和先生硬頸个精神，紀念館裡面也有其他文人个文章，實在當適合大家去參觀。

美濃實在係一个當有客家庄味道个位所，有山水風景、人文古蹟、特色產品摻客家美食，實在係盡好个地方，阿爸阿姆時常摻佢兜講：「食水愛念水源頭」，愛了解客家文化一定愛時常去客家庄，希望下擺有閒个時節，佢做得摻阿爸阿姆去佢最想去奈个位所：高雄美濃！